

〔本朝醫考〕中親純。

親純者玄朔之子也。初稱兵部大輔。後陽成院御宇。文祿元年二月廿八日叙從五位下。任典藥助。且改曲直瀨。賜今大路稱號。于時年十六。剃髮號道三。諱玄鑑。字龜溪。慶長四年十二月廿八日叙法眼。同十三年四月轉法印。東福門難產殆危。百藥不應。衆醫術盡矣。玄鑑診脈獻藥。一貼而得安產。秀忠公大感之。賜小刀。寬永三年。秀忠公入洛。玄鑑從台駕到京師。玄鑑罹病。同九月崇源院病惱。崇源院者源家光公之母堂也。告急於京師。秀忠公使玄朔赴江戶。玄鑑輿疾以夜繼日。已到相州箱根山。病大發而遂沒于湯本。時年五十歲。葬湯本早雲寺。瓜瓞綿綿到于今。

〔堯恕法親王記〕寬文五年七月二十五日。今日辰刻。原田休伯法眼卒。此仁八年來。余無他事出入之者也。殊醫術當世無匹。儔間。予年來藥令服用畢。

〔山城全州墓碑銘集大成〕儒及醫部四養壽院法印。山脇先生墓誌銘。在洛南深草里真宗寺。

先生姓橋氏。山脇諱玄心。字道作。相傳其先河內楠氏之族。中世徙居江州山脅邑。因以為氏云。中元和庚申。有詔診視中和皇后。進御藥。有奇効。官醫曲直瀨玄由薦之。為侍醫。以賜官祿。實先生二十有七歲也。間兩歲。賜醫官。稍遷轉。寬永癸未。遂叙法印。明年勅賜院號曰養壽院。中寬文五年。適病頭疽。太上皇特令中使日問安否。珍果玉食。賜賚稠疊。疾愈。勅許烏帽鳩杖。用侍殿上。蓋優老之渥恩也。紀府相公有病。遣使聘召。以求理療。太上皇不允。曰。朕不可一日無道作。道作不在。朕心不安。幕府之賜祿俸也。例必往東武謝恩。亦有詔不允。坐食其俸也。少其比。故宮車之遊。豫近郊。先生必從。以備緩急。而內每有宴賞。必召先生。必賜珍饌。太上皇嘗曰。貴耳賤目。今昔之通患也。假令東垣丹溪在乎。今世與道作並馳。朕未知其孰先也。諸醫之宜侍禁闈者。至瘍科眼科之微。必咨先生。以決能否。其始拜闕也。先生亦必為之先容。先生謹慎不泄。常念溫樹之誠。宮中之事。未嘗向外而說。故聖眷之深。人鮮有得而知者。而其嘗施術之於世。起死回生。養老保壽之効。昭昭於人之耳目者。不可勝數。而其受業於門者。六百餘人。而為